



REPUBLIKA E SHQIPËRISË

ENTI RREGULLATOR I ENERGJISË
BORDI

VENDIM

Nr. 2, Datë 10.01.2020

MBI

**FILLIMIN E PROCEDURËS PËR SHQYRTIMIN E APLIKIMIT TE FSHU SH.A.
PËR PËRCAKTIMIN E ÇMIMIT TË SHITJES ME PAKICË PËR KLIENTËT QË
SHËRBEHEN NGA FURNIZUESI I SHËRBIMIT UNIVERSAL PËR VITIN 2020 DHE
SHQYRTIMIN E APLIKIMIT TË OPERATORIT TË SISTEMIT TË SHPËRNDARJES SË
ENERGJISË ELEKTRIKE PËR PËRCAKTIMIN E TARIFAVE SIPAS NIVELIT TË
TENSIONIT PËR VITIN 2020.**

Në mbështetje të nenit 16, nenit 19, nenit 20, gërma “c”, nenit 21 dhe nenit 85, të ligjit nr. 43/2015, “Për sektorin e energjisë elektrike”, i ndryshuar, VKM-së nr. 244 datë 30.3.2016, “Për miratimin e kushteve për vendosjen e detyrimit të shërbimit publik, që do të zbatohen ndaj të licencuarve në sektorin e energjisë elektrike, të cilët ushtrojnë aktivitetin e prodhimit, transmetimit, shpërndarjes dhe furnizimit me energji elektrike”, i ndryshuar, “Metodologjisë së Përcaktimit të Çmimeve për Shitjen e Energjisë Elektrike me Pakicë tek Klientët Fundorë që Furnizohen nga Furnizuesi i Shërbimit Universal (FSHU)” miratur me Vendimin nr. 189, datë 23.11.2017, “Metodologjisë së llogaritjes së tarifave të Operatorit të Sistemit të Shpërndarjes së energjisë elektrike”, miratur me Vendimin e Bordit të ERE nr. 182, datë 10.11.2017, nenit 15 të “Rregullave të organizimit, funksionimit dhe procedurave të ERE-s”, miratur me vendimin e Bordit të ERE- s, nr. 96, datë 17.6.2016, Bordi i ERE-s në mbledhjen e tij të datës 10.01.2020, mbasi shqyrtoi relacionet e Drejtorisë së Tarifave dhe Çmimeve nr. 3/5 Prot, datë 10.01.2020, në lidhje me shqyrtimin e aplikimit të FSHU sh.a. për çmimin e shitjes me pakicë për klientët që shërbehen nga Furnizuesi i Shërbimit Universal për vitin 2020 dhe nr. 3/5 Prot, datë 09.01.2020, në lidhje me shqyrtimin e aplikimit të OSSH sh.a.për përcaktimin e tarifave të shërbimit të shpërndarjes së energjisë elektrike për vitin 2020,

Konstatoi :

- **Në lidhje me aplikimin e FSHU sh.a. për përcaktimin e çmimit të shitjes me pakicë për klientët që shërbehen nga furnizuesi i shërbimit universal për vitin 2020;**
- Bazuar në nenin 19, të ligjit nr. 43/2015, “Për Sektorin e Energjisë Elektrike”, i ndryshuar, ERE është institucioni përgjegjës për miratimin e tarifave për veprimtaritë e licencuara për të cilat është vendosur detyrimi i shërbimit publik.

- Me shkresën Nr. Prot 3, datë 06.01.2020, FSHU sh.a, ka paraqitur aplikimin për çmimin e shitjes të energjisë elektrike me pakicë për vitin 2020 për klientët që furnizohen nga furnizuesi i shërbimit universal (FSHU sh.a.).
- Në aplikim sqarohet se FSHU sh.a. fillon operimin si një shoqëri e pavarur prej datës 01.01.2020, bazuar në detyrimet e përshkruara në liçencën e furnizimit dhe atë të Shërbimit Universal për të cilat ERE me vendimet Nr.98 datë 17.06.2016 dhe Nr.112 datë 08.07.2016 vendosi miratimin e liçencës së veprimtarisë së furnizimit të energjisë elektrike dhe përcaktoi FSHU për detyrimin e shërbimit universal, në zbatim të Ligjit nr. 43/2015 “Për Sektorin e Energjisë Elektrike”, i ndryshuar dhe VKM nr. 244, datë 30.03.2015, e ndryshuar.
- Sasia e energjisë elektrike e parashikuar për tu furnizuar klientëve të cilët shërbehen nga Furnizuesi Universal për vitin 2020 parashikohet të jetë 5,090 Gwh. Përlllogaritja e kërkesës për energji është bazuar në strukturën aktuale dhe parashikimin për vitin në vazhdim, por që në varësi të ndryshimeve të kërkesës së klientëve tariforë mund të jetë gjithashtu objekt i kompensimeve për diferenca në periudha të tjera.
- Energjia elektrike e parashikuar për furnizimin e klientëve tariforë që shërbehen nga FSHU, do të mbulohet nga energjia elektrike e prodhuar nga shoqëria KESH sh.a dhe diferenca e mbetur do të plotësohet nga sasia e energjisë elektrike të mbetur nga prodhimi i HEC-ve private pas plotësimit të sasisë së humbjeve në rrjet nga OSSH dhe sasia e energjisë elektrike të blerë në Tregun e Lirë.
- Shoqëria deklaron se çmimet për vitin 2020 me të cilat KESH, HEC private dhe OST i shesin energji elektrike dhe shërbimin e transmetimit shoqërisë FSHU janë supozuar në 1.5 Lekë/Kwh për energjinë e blerë nga KESH, 8.46 Lekë/Kwh nga HEC private dhe 0.75 Lekë/Kwh për shërbimin e transmetimit nga OST. Sipas shoqërisë, çmimi i energjisë elektrike të parashikuar për tu blerë në Tregun e Lirë gjatë vitit 2020, është përlllogaritur bazuar në monitorimin e tregut të lire për vitin 2019 dhe mund të ndryshojë duke u llogaritur si kompensim në vitet e ardhshme të përlllogaritjes së çmimit të shitjes së energjisë me pakicë të energjisë elektrike.
- Për vitin 2019, shoqëria deklaron se kosto mesatare e energjisë elektrike të blerë për klientët që shërbehen nga FSHU rezulton të jetë afërsisht 5 lekë/kWh, nga ajo prej 4.13 lekë/kWh e planifikuar, me një efekt prej rreth 5.6 miliard Lekë me shumë, si rrjedhojë e mosrealizimit të furnizimit të parashikuar nga KESH për shkak të situatës jo të favorshme hidrologjike.
- Shoqëria ka paraqitur në formë sintetike shpenzimet operative të parashikuara për vitin 2020 të llogaritura sipas koeficientëve bazuar në një studim mbi ndarjen e shoqërisë OSHEE në shoqëritë OSSH dhe FSHU, duke u mbështetur në të dhënat historike dhe realizimin e tyre për periudhën 2016-2019, buxhetimin e shpenzimeve operative për vitin 2020, si dhe realizimin e të ardhurave të kërkuara për vitet 2015-2019 dhe ato të parashikuara për vitin 2020.
- Shoqëria deklaron se amortizimi i aseteve për vitin 2020 është llogaritur në nivelin 10% mbi amortizimin e aseteve shtesë për vitin 2019.
- Shoqëria duhet të paraqesë llogaritjet e amortizimit të akumuluar për periudhën 2015-2019 për asetet dhe shtesat sipas viteve të cilat i përkasin shoqërisë FSHU sh.a, krahas aseteve fikse të cilat do të transferohen nga shoqëria “mëmë” dhe do t’i shërbejnë shoqërisë FSHU sh.a për ushtrimin e aktivitetit të licencuar.
- Shoqëria deklaron se marzhi i fitimit i llogaritur nga FSHU rezulton në nivelin 3%, i cili është llogaritur mbi kostot për blerjen e energjisë, Theksojmë që sipas “Metodologjisë së Përcaktimit

- të Çmimeve për Shitjen e Energjisë Elektrike me Pakicë tek Klientët Fundorë që Furnizohen nga Furnizuesi i Shërbimit Universal (FSHU)”, përcaktohet se marzhi i fitimit do të jetë një përqindje fikse, e cila nuk do të jetë më shumë se 3% mbi koston e blerjes së energjisë.
- Kosto e lejuar e Kapitalit të Punës është llogaritur në vlerën 222 milion lekë, bazuar në përcaktimet e metodologjisë së lartpërmendur.
 - Kompensimi për borxhin e keq është llogaritur në masën 5%, bazuar në përcaktimet e VKM nr. 253, datë 24.04.2019 “Për miratimin e planit të konsolidimit financiar të sektorit publik elektroenergjetik”.
 - Shoqëria FSHU sh.a. duhet të paraqesë analizat mbi llogaritjet e saj për shpenzimet operative, shpenzimet e amortizimit dhe marzhin e fitimit për secilën kategori të klientëve, duke përfshirë klientët të cilët janë të lidhur në TM por me matje në TU dhe klientët e kategorizuar si objekte kulti, bazuar në përqindjet e sasive të energjisë elektrike të parashikuara për vitin 2020 për çdo kategori sipas përcaktimeve të nenit 7 të “Metodologjisë së Përcaktimit të Çmimeve për Shitjen e Energjisë Elektrike me Pakicë tek Klientët Fundorë që Furnizohen nga Furnizuesi i Shërbimit Universal (FSHU)”.
 - Shoqëria ka paraqitur të ardhurat e kërkuara dhe të gjithë komponentët e saj për periudhën 2015 – 2020.
 - Shoqëria ka marrë parasysh zhvillimet pozitive të ekonomisë shqiptare në mosllogaritjen e ndonjë faktori jopozitiv në provigjonime të mundshme për efekt të raporteve të paqëndrueshme inflative të ekonomisë.
 - Për sa i përket të dhënave të paqarta apo saktësimeve të nevojshme në këtë aplikim, do t’i kërkohet shoqërisë informacion dhe plotësimi i aplikimit në përputhje me parashikimet e legjislacionit në fuqi.
 - Në përfundim, shoqëria ka paraqitur totalin e të ardhurave të kërkuara për vitin 2020 në vlerën 57.054 miliardë lekë, për sasinë e energjisë elektrike të parashikuar për tu shitur te klientët që shërbehen nga FSHU prej 5,090 GWh, duke rezultuar në një tarifë mesatare të shitjes së energjisë elektrike 11.21 lekë/kWh për vitin 2020 dhe duke propozuar që çmimi mesatar i shitjes së energjisë elektrike si dhe çmimet e detajuara sipas vendimit të ERE nr. 148, datë 26.12.2014 të mos ndryshojnë.
- **Në lidhje me aplikimin e Operatorit të Sistemit të Shpërndarjes së energjisë elektrike për përcaktimin e tarifave sipas nivelit të tensionit për vitin 2020;**
- Bazuar në nenin 19, të Ligjit nr. 43/2015, “Për sektorin e energjisë elektrike”, i ndryshuar, ERE është institucioni përgjegjës për miratimin dhe publikimin, në përputhje me parimin e transparencës dhe duke marrë në konsideratë koston e shërbimit të ofruar, e tarifave të shërbimit të shpërndarjes së energjisë elektrike.
 - Me shkresën nr. 25971 Prot, datë 30.12.2019, protokolluar me tonën me nr. 4 Prot, datë 06.01.2020, shoqëria OSHEE sh.a., në rolin e shoqërisë mëmë, ka paraqitur aplikimin për tarifave të Operatorit të Sistemit të Shpërndarjes për vitin 2020.
 - Në aplikim sqarohet se, OSSH sh.a. fillon operimin si një shoqëri e pavarur prej datës 01.01.2020.

- Nga analiza e aplikimit, vërehet se plotëson kryesisht kërkesat e parashikuara në “Rregulloren e Organizimit, Funkcionimit dhe Procedurave të ERE-s”, miratuar me vendimin e Bordit të ERE-s, nr. 96, datë 17.6.2016.
- Shoqëria deklaron se në përlllogaritjen e tarifës ka marrë parasysh gjendjen e vështirë financiare që po kalon shoqëria për shkak të rritjes së shpenzimeve për sigurimin e energjisë elektrike nga tregu i lirë si rrjedhojë e mosrealizimit të furnizimit nga KESH për shkak të situatës jo të favorshme hidrologjike. Theksojmë se ky deklaram i shoqërisë i përket aktivitetit të shoqërisë FSHU sh.a, e cila siguron nga KESH sasine e nevojshme të energjisë elektrike për përmbushjen e detyrimit të shërbimit publik.
- Shoqëria deklaron se kërkesa për energji elektrike për vitin 2020, parashikohet të jetë në sasinë prej 5,196 GWh, e cila përbëhet nga sasia prej 5091 GWh e parashikuar për tu shpërndarë FSHU sh.a dhe sasia prej 105 GWh e cila do tu shpërndahet klientëve të tjerë në treg të liberalizuar.
- Shoqëria OSSH ka paraqitur në formë sintetike shpenzimet operative të parashikuara për vitin 2020, të cilat janë përlllogaritur bazuar në një studim mbi ndarjen e shoqërisë OSHEE në shoqëritë OSSH dhe FSHU, si dhe duke u mbështetur në të dhënat historike për realizimin e tyre për periudhën 2016-2019 dhe buxhetimin e shpenzimeve operative për vitin 2020.
- Shoqëria deklaron se përlllogaritja e kërkesës për energji për mbulimin e humbjeve është bazuar në parashikimin për vitin në vazhdim, por që në varësi të ndryshimeve në treg mund të jetë gjithashtu objekt i kompensimeve për diferenca në periudha të tjera. Sasia e energjisë elektrike të injektuar në sistemin e shpërndarjes për vitin 2020 parashikohet të jete 6,495 GWh, ku sasia e energjisë elektrike të shpërndarë parashikohet të jetë 5,196 GWh, kurse humbjet e energjisë elektrike në rrjetin e shpërndarjes janë vlerësuar nga shoqëria në sasinë 1,299 GWh, duke parashikuar që niveli i humbjeve të sasi e cila përbën 20%
- Shoqëria sqaron se energjia elektrike për humbjet në rrjet mbulohet nga prodhimi i HEC-eve private dhe nga prodhuesit nga Burime të Rinovueshme, ndërsa në rastet kur sasia e prodhuar nga ato është më e vogël se sasia e humbjeve në rrjet, diferenca do të blihet në tregun e lirë.
- Çmimet me të cilat HEC-et private, prodhuesit nga Burime të Rinovueshme dhe OST do t’i shesin shoqërisë OSSH sh.a energjinë elektrike dhe shërbimin e transmetimit, janë supozuar 8.46 lekë/kWh për energjinë e blerë nga HEC private, 12.46 lekë/kWh për energjinë e blerë nga Burime të Rinovueshme dhe në 0.75 lekë/kWh për shërbimin e transmetimit nga OST. Lidhur me sa më sipër, theksojmë se shpenzimet për blerjen e energjisë elektrike për mbulimin e humbjeve në rrjetin e shpërndarjes, të llogaritura me çmimin mesatar të ponderuar prej 8.5 Lekë/kWh, duhet të rishikohen në funksion të çmimeve të miratuara nga ERE për prodhuesit ekzistues me përparësi dhe prodhuesit e rinj të energjisë elektrike për vitin 2020.
- Shoqëria ka pasqyruar Bazën e Rregulluar të Aseteve (RAB) duke evidentuar vlerën bruto të tyre, si dhe amortizimin total të akumuluar për periudhën 2015-2019
- Shoqëria duhet të paraqesë Bazën e Rregulluar të Aseteve (RAB) duke evidentuar shtesat e asetëve të kapitalizuara në formë analitike të cilat i përkasin shoqërisë OSSH sh.a., llogaritjet e amortizimit të akumuluar për periudhën 2015-2019, si dhe parashikimet për vitin 2020.
- Shoqëria ka propozuar që Kosto Mesatare e Ponderuar e Kapitalit (WACC) të jetë 8.03% sipas arsyetimeve të paraqitura në aplikim.

- Shoqëria ka marrë parasysh zhvillimet pozitive të ekonomisë shqiptare në mosllogaritjen e ndonjë faktori jopozitiv në provigjonime të mundshme për efekt të raporteve të paqëndrueshme inflative të ekonomisë.
- Në përlllogaritjen e të ardhurave të kërkuara, shoqëria kërkon vlerën prej 12.4 miliardë lekë si të ardhur të perealizuar nga aplikimi i tarifave aktuale për periudhën 2015 – 2019 dhe propozon që për kompensimin e kësaj humbje financiare, të shkaktuar kryesisht nga aktiviteti i shërbimit të shpërndarjes, të aplikohet si korrigjim në tarifën e shpërndarjes së energjisë elektrike, vlera prej 3 miliard lekë/vit për 4 vitet e ardhshme.
- Shoqëria deklaron se në kushtet e mungesës së informacionit të detajuar për të llogaritur saktësisht tarifën për nivel tensioni sikurse është përmendur edhe në aplikim, për përlllogaritjen e tarifave sipas nivelit të tensionit për vitin 2020 është bazuar në:
 - Kërkesën për të ardhura të vitit 2020 të llogaritur për Operatorin e Sistemit të Shpërndarjes;
 - Koeficientët e shpërndarjes së shpenzimeve (alokimit) që marrin parasysh sasinë e energjisë së shitur sipas strukturës së shitjes, strukturën e aseteve sipas nivelit të tensionit dhe humbjet teknike të energjisë elektrike sipas nivelit të tensionit.
- Për sa i përket të dhënave të paqarta apo saktësimeve të nevojshme në këtë aplikim, do t'i kërkohej shoqërisë informacion shtesë dhe plotësimi i aplikimit përgjatë procesit të shqyrtimit të aplikimit, në përputhje me parashikimet e legjislacionit në fuqi.
- Në përfundim, shoqëria ka paraqitur totalin e të ardhurave të kërkuara për vitin 2020 në vlerën 30.994 miliardë lekë, për sasinë e energjisë elektrike të parashikuar për tu lëvruar në rrjetin e shpërndarjes prej 5,196 GWh, duke rezultuar në një tarifë mesatare shpërndarje prej 5.97 lekë/kWh nga tarifa prej 4.79 lekë/kWh në fuqi, me propozimin për miratimin e tarifave sipas nivelit të tensionit për vitin 2020 si më poshtë vijon:
 - a) Tarifa e shpërndarjes së energjisë elektrike në tension 35 kV— 3.32 Lekë/kWh nga tarifa prej 1.5 lekë/kWh në fuqi;
 - b) Tarifa e shpërndarjes së energjisë elektrike në tension 20-6 kV— 4.32 Lekë/kWh nga tarifa prej 3.9 lekë/kWh në fuqi;
 - c) Tarifa e shpërndarjes së energjisë elektrike në tension 0.4 kV— 6.35 Lekë/Kwh.

Për gjithë sa më sipër, Bordi i ERE-s

VENDOSI:

1. Fillimin e procedurës për shqyrtimin e aplikimit të FSHU sh.a. për përcaktimin e çmimit të shitjes me pakicë për klientët që shërbehen nga furnizuesi i shërbimit universal për vitin 2020.
2. Fillimin e procedurës për shqyrtimin e aplikimit të shoqërisë “OSSH” sh.a. për përcaktimin e tarifave sipas nivelit të tensionit për vitin 2020 si më poshtë:
 - a) Tarifa e shpërndarjes së energjisë elektrike në tension 35 kV— 3.32 Lekë/Kwh
 - b) Tarifa e shpërndarjes së energjisë elektrike në tension 20-6 kV— 4.32 Lekë/Kwh
 - c) Tarifa e shpërndarjes së energjisë elektrike në tension 0.4 kV— 6.35 Lekë/Kwh

3. Drejtoria e Tarifave dhe Çmimeve të njoftojë palët e interesit për vendimin e Bordit të ERE-s.

Ky vendim hyn në fuqi menjëherë

Ky vendim botohet në Fletoren Zyrtare.

Për këtë vendim mund të kërkohet rishikim brenda 7 ditëve kalendarike si dhe mund të bëhet ankim në Gjykatën Administrative Tiranë, brenda 30 ditëve kalendarike nga dita e publikimit në Fletoren Zyrtare.

KRYETARI I ERE

Petrit AHMETI